

**Protocol da la sezzüda dal Cussagl cumünal da mardi,
9 gün 2009, a las 20.00, acta 19**

Preschaints: Jon Carl Rauch; Chasper Alexander Felix,
Marianne Werro-Lehmann, Jachen Andri Schmidt e
Georg Salomon
Rico Zini (protocol)

Tractanda 160: Andri Lansel, Domenic Augustin e Cla Sarott
(cumischiun sindicatoria)

Tractanda 160: Mario Riatsch (silvicultur)

Tractandas:

160. Rendaquint cumünal 2008

Il capo salüda a tuot ils preschaints.

Il capo e'ls cusgliers repassan il quint da gestiun chapitel per chapitel. Il Cussagl piglia cogniziun da las spiegaziuns detagliadas dal silvicultur. Il contabel preschainta il quint d'investiziun e'l bilantsch e muossa via sün ün pêr puncts.

Il quint da gestiun e d'investiziun e'l bilantsch cumünal pel 2008 nun han dat andit da far correcturas. Eventualas remarchas sun notadas aint il rapport intern da la cumischiun sindicatoria. La cumischiun sindicatoria propuona da suottametter il quint dal 2008 sco preschantà.

Andri Lansel, president da la cumischiun sindicatoria, muossa il svilup da las finanzas dals ultims ons.

Il Cussagl cumünal decida:

1. da suottametter a la radunanza cumünala, il rendaquint cumünal per l'on 2008, chi serra giò cun entradas da fr. 7'463'075.13 e sortidas da fr. 7'291'503.80 e davo resguardà amortisaziuns ordinarias e supplementaras da fr. 549'027.50 cun ün vanz da fr. 171'571.33.
2. da suottametter a la radunanza cumünala, il quint d'investiziuns pel 2008 chi serra giò cun ün'investiziun netta da fr. 871'112.80.

La radunanza ha lö als 9 lügl 2009.

I segua üna lunga ed animada discussiun a regard l'avegnir dal cumün. Tanter oter seguaints puncts:

- Plan directiv pel cumün (Leitbild)
- Sco infuormar plü bain a la populaziun sur dals affars cumünals
- Zona per indigens
- Label "Cità d'energia"

Il Cussagl cumünal piglia incunter ils tschögns da la cumischiun sindicatoria.

Il capo ingrazcha fich, a la cumischiun sindicatoria, per la buna collavuraziun e per la lavur prestada.

161. Protocol

Il Cussagl cumünal approva il protocol da la sezzüda dals 25 mai 2009, acta 18.

Rendaquint cumünal

Protocol

163. Via da quartier Flüs – Credit da fr. 6'500.--

Il schef da vias orientescha chi fetscha dabsögn da tour davent ün mürin da beton e d'eriger üna vasca per ramassar l'aua da la via.

Il Cussagl cumünal decida da dar liber ün credit da fr. 6'500.-- per quellavurs.

Via da quartier Flüs
Credit fr. 6'500.--

Fin da la sezzüda: 23.00

L'actuar: